

Pag-uswag bilang Cristohanon nga Manunudlo— Personal nga Pag-usisa

Bilang mga titser, dapat naton regular nga ginausisa ang aton mga kusog kag mga kahuyang para mabuligan naton ang mga nagatuon nga magpatubo sang pagtuo kay Jesucristo kag mangin mas pareho sa Iya. Ang masunod nga kahiwatan makabulig sa imo nga gamiton ang mga prinsipyo sang Cristohanon nga pagpanudlo. Pamensara kon daw ano kamatuod ang tagsa ka pahayag sa paglaragway sa imo bilang titser. Pilia ang pinakabagay nga sabat sa tagsa ka pahayag: (1) malaka, (2) kon kis-a, (3) masami, (4) halos pirme.

Dayon, sa paggiya sang Espiritu, pilia sing mainampuon ang pila ka mga bagay nga gusto mo pauswagon. Magpahamtang sang pila ka mga lalab-uton, kag gamita ining manwal para mabuligan ka nga mag-uswag.

Magtutok kay Jesucristo

- ___ Nagatudlo ako parte kay Jesucristo sa bisan ano nga akon ginatudlo.
- ___ Ginapatalupangod ko gid pagtalupangod ang ehemplo ni Jesucristo.
- ___ Ginabuligan ko ang mga nagatuon nga makilala ang pagpalangga, gahum, kag kaluoy sang Ginuo sa ila mga kabuhi.
- ___ Ginabuligan ko ang mga nagatuon nga pabakuron ang ila relasyon sa Amay nga Langitnon kag kay Jesucristo.
- ___ Ginabuligan ko ang mga nagatuon nga hungdon nga magtinguha nga mangin mas pareho kay Jesucristo.

Palangga ang Imo Mga Ginatudloan

- ___ Ginatinguhaan ko nga kabigon ang mga nagatuon sa paagi sang pagkabig sang Dios sa ila.
- ___ Ginatinguhaan ko nga kilalahon ang akon mga ginatudloan—para maintiendihan ang ila mga sirkumstansya, mga panginahanglan, kag mga kusog.
- ___ Nagapangamuyo ako para sa mga nagatuon nga ginasambit ang tagsa nila ka ngalan.
- ___ Nagatuga ako sang hilway nga kapalibotan kon sa diin ang tanan ginarespeto kag nakahibalo nga ang ila mga kontribusyon ginahatagan sang bili.
- ___ Nagapangita ako sang nagakabagay nga pamaagi sa pagpahayag sang akon pagpalangga.

Magtudlo paagi sa Espiritu

- ___ Ginahanda ko ang akon kaugalingon sa espirituhanon para magtudlo.
- ___ Ginaaksyonan ko ang espirituhanon nga mga pagpabatyag parte sa mga panginahanglan sang mga nagatuon.
- ___ Nagahimo ako sang mga lugar kag mga oportunidad para sa mga nagatuon agud matudloan paagi sa Balaan nga Espiritu.
- ___ Ginabuligan ko ang mga nagatuon nga magpangita, makilala, kag aktuhan ang personal nga rebelasyon.
- ___ Masami ako nga nagapamatuod, kag ginapaisog ko ang mga nagatuon sa pag-istorya sang ila mga balatyagon, mga eksperyensya, kag mga testimonya.

Itudlo ang Doktrina

- ___ Nagatuon ako mismo sang doktrina ni Jesucristo.
- ___ Nagatudlo ako halin sa balaan nga mga kasulatan kag sa mga pulong sang mga propeta sang ulihing mga adlaw.
- ___ Ginabuligan ko ang mga nagatuon nga pangitaon, kilalahon, kag intiendihon ang mga kamatuoran sa balaan nga mga kasulatan.
- ___ Nagatutok ako sa mga kamatuoran nga nagadala sang pagbag-o kag nagapatubo sang pagtuo kay Jesucristo.
- ___ Ginabuligan ko ang mga nagatuon nga makita ang personal nga importansya sang doktrina ni Jesucristo.

Magpatigayon sang Matutom nga Pagtuon

- ___ Ginabuligan ko ang mga nagatuon nga mangin responsable para sa ila pagtuon.
- ___ Ginapaisog ko ang mga nagatuon nga kilalahon ang Manluluwas paagi sa pagtuon sang ebanghelyo kada adlaw.
- ___ Ginaagda ko ang mga nagatuon nga maghanda sa pagtuon.
- ___ Ginapaisog ko ang mga nagatuon nga iistorya ang mga kamatuoran nga ila matun-an.
- ___ Ginaagda ko ang mga nagatuon nga ipangabuhi ang ila mga ginatun-an.